

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部

明抄本万历起居注(十三)

全国图书馆文献缩微复制中心

明抄本万历起居注目录（十三）

万历三十二年下	一
万历三十四年上	三四
万历三十四年下	六五

萬曆三十二年



朔

三日壬子大學士沈一貫沈鯉



題臣等憂

國之心實迫于衷惟是黜陟不定賞罰不明何以振作人心計安天下今且以闕政之大者二事

望

皇上目下行之播州大功今已四年而敘賞之典尚

格未下功臣之死者無以慰生者無以勸後來

有事誰肯出力臣等所擬止有減薄並無冒濫

似可

允從倘有未合

聖意寧以

御筆改發萬勿因一二人而沒百十人之功失憶兆

人之望也臣等顙望顙望各項缺官悉宜

允補而所最急者山西鄖陽福建河南四巡撫此是

一方軍民重寄兵馬錢糧惟其料理安危治亂

皆其憂責安可視為泛常任其久闕臣等又顙

望顙望伏乞

皇上即將此二事先賜發行謹題請

旨

四日癸丑

頒賜輔臣每員枇杷果一小簍

五日甲寅

頒賜輔臣每員鮮鮓魚二尾鮮筍二十根

六日乙卯

頒賜輔臣每員拖溲鮓魚五尾及講官周應賓等有

差

八日丁巳大學士沈一貫沈鯉朱賡

題該文書官金忠傳捧

聖諭

諭內閣朕昨覽卿等稟擬欽天監題本甚合朕心朕
查通曆諸書今歲悉皆坐向不利必欲強違興建
切恐上干

聖祖在

天之靈怒責朕心何安况且合用木石諸料尚未治
辦若先興工復又停待殊非竭誠孝敬不無糜費
錢糧可着該監先行擇吉治辦木石等項物料還
諭工部內監會同上緊備造年終俱要完備來春
擇吉興建刻期報完以慰朕心特諭卿等知之欽
此臣等伏讀至三不勝欣服竊念

明樓被燬

聖心急於興建既恐曠日遲久無以申

聖孝之誠又恐坐向不利益以干

祖靈之怒乃令先治木石僨造完備以待來春擇吉

興建刻期報完其於敬畏

祖考之心慎重天時之意可謂兩全而無害矣除即

時傳諭部監遵奉施行外臣等又惟

明樓之建雖不可遲拘於通曆諸書猶可待也至

於一切修省之實。

聖祖在天之靈懸於朝夕人心仰望之切急於水火。

何所拘泥而可以姑待。

皇上誠於臣等累次所揭及各衙門大小臣工連章奏請者。猛一省悟。急行實政。則

聖祖必懽然喜慰。人心皆樂頌太平。即

明樓工程亦屬第二義。雖稍待半年無害矣。不然興作徒勤亦何益哉。臣等不勝狗馬之心。仰望懇切伏惟

聖明鑒之。所有

諭劄敬尊藏內閣謹回奏以

聞

是日又

題為作養人才事六月二十三日臣等會同吏禮

二部堂上官并翰林院掌院官將原

發考選進士二十三卷照依名次開填上

進本月二十五日奉

聖旨是吏部知道欽此查得節年事例庶吉士教書

官合用二員臣等推得原任禮部尚書兼翰林

院學士今病痊于慎行吏部右侍郎兼翰林院

侍讀學士周應賓俱堪教習恭候

命下行令慎行掌理詹事府事應賓協理詹事府經

筵日講照舊專管教習庶吉士與同一甲進士
 楊守勤等三名并前科庶吉士何如寵一名于
 翰林院讀書進學每月終將批改各文課原本
 類送

內閣看驗臣等仍照例每月二次出題考試以觀
 進益其有怠肆不率教者聽教書官開送臣等
 奏奏慶治伏乞
 勅下該部覆奉施行緣係作養人才事理臣等未敢

擅便謹題請

旨

長日又

九日戊午大學士沈一貫

題伏念臣猥以菲才誤當揆路上無以報

明主簡毗之德下無以荅四方期望之心惟是導揚

衆善而進之

天子臣之分也古者常以災異求直言今滿朝文武

臣工俱獻蓋誠不求而合正

聖主舍己從人化災為祥之日

皇上幸采而行之臣謹撮諸臣之大指直以三語為

獻

天變必當畏也。

祖宗必當念也。人言必當恤也。蓋
人主雖至尊必托命于

天地受庇于

祖宗。寄身于億兆臣民之上。所以處此者未盡其道
而欲享有安富尊榮。此必不可得之數也。今

祖宗愠怒故

天變從之

天變屢見。故人言隨之。曾是而猶不思天下將無望
矣。往時非無災異。然止于一方一事。猶可言矣。
今則極大且多。而又日迫日近。不可言也。日食

于四月古今之所甚忌者也而連歲兩見則尤
異矣。

泗州

鳳陽

承天諸陵比年悉有儆戒而

皇陵之雨雹

長陵之雷火乃至連歲相尋同在五月二十三日。

上天之意豈其偶然凡偶然者必不若此之符也非
但如此而已也。遂有孽虫齧松柏徧于

諸陵矣。遂有洪水毀

神路徧于

諸陵矣。又非但如此而已也。遂有靈靈連綿兩月不
休。自京師達于輔郡。大者漂城。小者蕩村。樹藝
無存。儲積亦腐。都門之內。無復氣象。惟有敗房
頽壁。家哭人號。煤貴米貴。炊烟幾絕。比又報

都城多塌。而正陽崇文二門之間。有中陷者七十餘
丈。夫不外剝而中陷。出于常理之外。豈二百餘
年之築。尚有未堅者乎。何其化為烏有。其甚可
恠也。因想天下被災地方。遠者即不可知。近者
悉恐不免。又因想糧船之在途者。不知無恙否。

墩墻之在邊者不知無恙否然而尚有愁雲四
布霽日難期謂非

天怒未解之徵可乎。夫父母怒而不解為人子者宜
如之何必且引咎而責躬矣。引咎責躬必求所
以致罪之由而實脩之以回其心無務以虛言
謝過一事塞責明矣。煌煌

上天昭昭

列聖其聰明比

皇上必大其威靈比

皇上必尊。而苟以一二尋常之事聊為斯須抵塞之

謀一何愚視

天地而淺視

祖宗也。罪當從此滋大。其孰有不覺而孰有不怒。又孰有不重之罰者乎。

皇上天性英明不為近習所惑

乾剛獨斷不為疑似所撓。此中外之所共信亦

皇上之所自許也。何不決去牽纏斥遠邪孽從病根

處痛改一畚以回

天地之心以安

祖宗之靈而使億兆臣民歡然樂其更生。此真